

# საცხოვრებელი უბნის ტრანსფორმაცია ვაჟა-ფშაველას გამზირზე

ელენე ბერიძე

*სამაგისტრო ნაშრომი წარდგენილია ილიას სახელმწიფო უნივერსიტეტის  
ბიზნესის, ტექნოლოგიისა და განათლების ფაკულტეტზე არქიტექტურის მაგისტრის  
აკადემიური ხარისხის მინიჭების მოთხოვნების შესაბამისად*

თანამედროვე არქიტექტურა და მდგრადი განვითარება

სამეცნიერო ხელმძღვანელი: ალექსანდრე რამიშვილი, მოწვეული ლექტორი

ილიას სახელმწიფო უნივერსიტეტი

თბილისი, 2023

## განაცხადი

როგორც წარდგენილი სადისერტაციო ნაშრომის ავტორი, ვაცხადებ, რომ ნაშრომი წარმოადგენს ჩემს ორიგინალურ ნამუშევარს და არ შეიცავს სხვა ავტორების მიერ აქამდე გამოქვეყნებულ, გამოსაქვეყნებლად მიღებულ ან დასაცავად წარდგენილ მასალებს, რომლებიც ნაშრომში არ არის მოხსენიებული ან ციტირებული სათანადო წესების შესაბამისად.

ელენე ბერიძე

07.02.2023

## აბსტრაქტი

2022 წლის ბოლოს მილიონობით ადამიანს უწევს კვლავ "ხრუმჩოვკების" ტიპის საცხოვრებელ სახლებში ცხოვრება, როგორც თბილისში, ასევე პოსტ-საბჭოთა ქვეყნების ქალაქებში. მე-20 საუკუნის საბჭოთა პერიოდის ქართული, კერძოდ კი თბილისური მრავალბინიანი საცხოვრებელი სახლების იერსახე ხშირად იცვლებოდა და განიცდიდა ტრანსფორმაციას. ეს ცვლილებები პირდაპირპროპორციული იყო ქვეყანაში არსებულ ეკონომიკურ და პოლიტიკურ მდგომარეობასთან.

სხვადასხვა ეპოქაში აშენებულ შენობებს სხვადასხვა პასუხისმგებლობები ეკისრებათ. "ხრუმჩოვკა" არის საცხოვრებელის ისეთი ტიპი, რომელიც საბინაო დეფიციტის პრობლემის გადასაჭრელად შეიქმნა. "ხრუმჩოვკა" ჩვენი მეხსიერების ნაწილია. ძნელად მოიძებნება ისეთი ადამიანი, რომელსაც არასდროს უცხოვრია ასეთ ბინაში. ეს საცხოვრებლები მრავალფენიანი კონსტრუქციანია, რომელშიც აწმყო, წარსული და მომავალი განუყოფლად არის დაკავშირებული ერთმანეთთან. ამ სტრუქტურას ახლაც არასრული ფორმა აქვს და დროსთან ერთად მუდმივად იცვლება, როგორც ცოცხალი ორგანიზმი.

დღევანდელი რეალობის გათვალისწინებით, საცხოვრებელი რაიონების, მასივები და კვარტლები საჭიროებენ სახეცვლილებას და ტრანსფორმაციას. ეს სახეცვლილება განპირობებულია იმით, რომ მსგავსი რაიონები ხასიათდება დამრთავუნველი ერთფეროვნებით და გარკვეულწილად ასოცირდება საბჭოთა კავშირის მძიმე წარსულთან. არქიტექტურაში მტკივნეულ და ამავე დროს მეტად აქტუალურად წარმოჩნდება ტიპობრივი საცხოვრებელი სახლების ფასადების აუცილებელი განახლების, რევიტალიზაციის საკითხი. დროსთან ერთად ფასადის შეცვლის საჭიროება უფრო და უფრო იმატებს ფაქტიურად გახდა არქიტექტურის ახალი

მიმდინარეობა. ამ პროცესში უამრავი არქიტექტურული კომპანიები არიან ჩართულნი. ეს პროცესი მეტად მტკივნეული გახდა თბილისისათვის.

სამაგისტრო ნაშრომი ითვალისწინებს ვაჟა-ფშაველას გამზირის საცხოვრებელი უბნის ტრანსფორმაციას ფასადების ცვლილების ხარჯზე და არა მარტო. კვლევით ნაწლში აქცენტები გაკეთებულია ისტორიული ფაქტების მიმოხილვაზე, რათა უფრო თვალსაჩინო გახდეს ის შედეგი, რაც ამდამად გვაქვს. ნაშრომის მიზანია უკეთესი საცხოვრებელი გარემოს შექმნა ძველ, მოსაწყენ და დამრთავუნველ გარემოში.

სამაგისტრო ნაშრომის კონცეფცია ქმნის ეგრეთწოდებულ ბუფერულ ზონას ძველ შენობასა და მის შემოგარენს შორის. მიშენების პროტოტიპია აივნები და ლოჯიები, ეს ის სივრცეებია რომელიც შენობის გარე ელემენტებია, მაგრამ ეკუთვნის ბინის ინტერიერს.

თანამედროვე რეალობა სხვა მოთხოვნებს უყენებს ადამიანებს. მსგავსი ტიპის საცხოვრებელ სახლებში არ არის სივრცეები, სადაც ადამიანები საკუთარ მყუდრო გარემოს შექმნიან, ან დაისვენებენ დამღლევი დღის ბოლოს.

საცხოვრებლების ტრანსფორმაცია სწორედ ამ მიზანს ემსახურება, რომ მოხდეს ცხოვრების ხარისხის გაუმჯობესება და უკეთესი საცხოვრებელი პირობების შექმნა.